


建德縣志

三田

二



			九	漢書門
		一〇	八	
入	二	四	六	類
冊	架	函	號	

庫文閣內		
九	九〇	漢
函	八	書
九	五	類
架	冊	號

內閣文庫		
番號	漢	9086
冊數		5 (2)
函號		292 45



建德縣志卷之三

營建志

淺草屋

自古建邦分土必有城池以固國廨署以蒞政學
教以育士祀典以答神而坊墓寺觀古蹟亦以類
從焉作營建志


城池

築城居民所為設險以守國也况建居衝要屯
軍設守為浙東之屏蔽乘時修濬可弗謹與志
城池


附圖



縣署圖



縣學圖



三垣公系示

卷之二十三

營建

三

英得縣元

卷之二十三

二

明初李文忠改築西南臨水東北倚山周圍八里
 二十三步六分高二丈四尺闊二丈五尺門有五
 東曰興仁西曰和義南曰澄清北曰拱辰西北曰
 武定各覆層樓護以月城惟比無月城水門四一
 在拱辰門西久塞一在建安秀山之間名水斗門
 一在興仁門北一在和義門南為舖四十有八東
 西北為城壕一千一百有五步

宏治四年知府李德恢重修嘉靖三十七年知府
 韓叔暘遍築敵臺萬歷五年知府楊守仁更修治
 之

國朝順治六年知府錢廣居知縣鄭應臯修築所圯
 康熙十二年知府梁浩然知縣項一經脩葺雉堞
 城樓歲久洪水衝塌五十年知縣薛景珏陸續設
 法修理舊圯復整

乾隆九年大水衝塌知縣上官德輿請公帑脩理
 增高東城五尺下建水門閘以司啓閉十九年知

府吳士進知縣王賓勸闔屬士民捐修

徐時顯楊紹慶夏
 烈宋洵王大朋王
 喻懋

東湖 在興仁門前百步廣袤數十餘畝

明嘉靖四十年知府韓叔暘因旱澇不常築堤以

捍之遂成巨浸由太平橋逸入西湖歲久堤隤國初脩築復圯康熙二十一年知府任風厚知縣戚延喬首事邑人宋維藩董脩完固

西湖 在城西南和義門外廣袤五百四十二丈中有寶華洲唐刺史侯溫開置宋靖康間改為放生池景定中知州錢可則重脩湖堤范純仁有西湖

四景詩載藝文志明為居民養魚之所漁課輸府

國朝順治己丑知府錢廣居免課建放生坊於湖側歲久壩圯康熙十一年合郡文武紳士公捐重建今壩開濬舊濠兩湖工竣邑人何士錦有記

城南堤 在澄清門外今名黃浦街知府朱瞻募舟人運巨石砌長堤東抵興仁門西抵呂公橋為堤二級廣踰四丈袤數百丈堅緻平坦障頽波便往來人至今德之

縣治橋

在縣前萬歷間知縣俞汝為建

字民橋

在縣治南字民坊內

馬賀橋

在縣治南馬賀二姓建

通濟橋

在縣治東南

宣政橋

在縣治南知縣侯康遠建

上路橋

在縣治東南

三元橋

在府治南正街原名威宣橋

太平橋

在府治南正街橋下各半道鎮

福善橋

在府治東福善坊內

塞北橋

在興仁門內

雙桂橋

在雙桂坊內

後歷橋

在江家塘上

舍人橋 在太平橋東

嘉貺橋 在拱辰門內

已上十四橋俱在城內

仁安橋 在拱辰門外

弔橋 在武定門外

鮑公橋 在和義門外副將鮑虎建有碑

呂公橋 在城西南知府呂昌期建

奈浦橋 在興仁門外俗名老虎橋副將鮑虎改建石橋

已上五橋俱在城濠 舊志概載津梁今析附城池以便按圖披閱

六眼井 在三元橋西邑人馬景福建砌

六合井 在正街東又名石板井

雙眼井 在正街西

雙井 在善教坊南

官井 在柳家巷比

桂泉井 在雙井坊

舍人井 在舍人橋東

甘泉井 在和義門內

丁家井 在城內濠場今名朱家井徐恪開砌

半井井 在洛園東

方井 在建安山麓

寺井 在報恩寺右

華泉井 在武定門外又名荷花井

菊花井 在和義門外祝術水甚味

九龍井 在府治內通署實止八井大堂一井雙眼故八景有九井儲清之已在通判署者名龍王

井以其更勝八井也舊志未悉九井之由乃云移城後無考不知為九井之說者固移城

百年後之郡守也

論曰聞之耆老云建邑自移城後值江水泛溢漫

侵雉堞昔人築城於興仁門北隅獨作馬鞍形者

盖慮澄清門倉猝不通之際欲使外船得以乘低

而入救渡居民不致內外隔絕也後人不察一例

增高將必有懼其害者所以此番修築復存舊影
順輿情也

廨署

百里之寄立之長貳出政泄民各有攸墜可任
其風雨鳥鼠所侵剝乎惟不以傳舍視官斯不
以傳舍視署誠哉是言也志廨署

嚴州府治 卽宋時州治在城正北

建德縣治 在府治東南字民坊宋時建元季燬明

初知縣劉復禮重建錢公慶始建大門儀門再燬
正統二年侯康遠復建中爲正廳後爲勤政堂右

爲幕廳左爲架閣庫爲戒石亭於前爲知縣廨於
後爲縣丞廨爲典史廨於堂之左爲主簿廨於堂
之右爲六房於堂之東西偏爲吏舍於六房之後
景泰成化間相繼完葺規制始備舊縣學原在縣
東迨學旣遷知縣俞汝爲乃以儀門之左爲土地
祠大堂內西首爲親賢館易大門爲鼓樓三楹改
建架閣庫三間於主簿廨之前以大堂之西爲耳
房庫於川堂之後爲廨而匾曰冰玉堂改大門外
司牧坊爲漢富春治建旌善申明二亭於大門左
右規制大備明末堂圯

國朝順治八年知縣鄭應臯重建十三年知縣張文
 韜重建兩廊康熙六年知縣胡應華重建廣益堂
 於土地祠之前十九年知縣夏景松建平廳三間
 於冰玉堂之西二十一年署縣事衛參軍李夢鸞
 改建大堂儀門是年夏大水公堂衙署墻垣俱圯
 譙樓亦毀知縣戚延喬重修五十七年庫燬知縣
 薛景珏重建復建講約所於大門東嗣後小有傾
 圯亦時修葺惟主簿署裁缺今圯焉

平政堂 卽縣正堂

無倦堂 卽縣二堂

冰玉堂 在縣正衙

鼓樓 在頭門上卽麗譙也

親賢館 在頭門內西首毀後改建於左顏曰廣益

堂今圯

贊政廳 在大堂左康熙二十一年縣丞王庭捐俸

重脩

梅仙署 在贊政廳前康熙二十一年典史周應祥

脩理乾隆元年典史劉源重脩

縣獄 在二門外西首

旌善亭 在大門左

申明亭 在大門右

察院行臺 在府治東偏卽舊織染局基今廢

提學試館 在察院行臺東郡城向無試館搭廠校

士明崇正間邑紳宋賢捐貲三千金獨力創造

國朝以來士子日衆屋隘不能容雍正三年督學彭

維新命新進生各捐銀一兩督學李清澤踵行知

府蔣林益以鹽利羨銀合得千金委教諭張天翼

專理生員孫衍應夏尚賢馬自昂柴 年 八人監

造改頭門爲儀門東西各造文場十三間拓頭門

於照牆之址增建官廳號房重脩大堂

易土以磚又買民地建高樓三間增建平屋一十

四間規模宏固在事勤勞各有題名其照牆內地

勢低窪運土砌石又邑人宋鎬妻馬氏義捐也

分守道 在府治正街

兵備道 在府治前旌善亭後

分巡道 在縣治後舊雜造局基

分司 在縣治後初市民地建今改營房

嚴協署 在磊石巷市民地建今名總府前

營房在興仁門內至塞北橋止安插民房康熙十

八年知府梁浩然知縣項一經捐貲再建東門後

營營房三十間又舊水利道基內營房一座又舊
工戶基內營房一座

兩營署 俱在興仁門內今右營裁都司一缺兩營
守備公署移建察院行臺舊址拓東南城脚地爲
教場舊制又更矣

陰陽學 醫學 久廢

僧綱司 道紀司 原無址

養濟院 在武定門外

論曰兵營演武昔在武定門外今於城內巽方復
拓教場以便簡閱爲青鳥之說者以爲位置非宜

其果然與

學校

文廟之建書院社學之設將使民重道親師也
上之謹飭規緒所以爲教者存焉豈曰政教殊
途哉志學校

嚴州府學 在三元橋西

建德縣學 舊在縣治東宮殿湫隘俎豆弗稱明隆
慶年間知府周望改建於建安山麓前爲先師廟
兩廡戟門櫺星門泮池後爲明倫堂左右進德修
業二齋堂之西爲敬一亭文昌閣啓聖祠左爲教

諭解為號房為土地祠右前為訓導解為名宦祠

鄉賢祠西南為學門道臨東湖為攀龍附鳳坊知

府周望有記畧曰建德縣學舊創於秀山之陽予

往來於建安山下見其蜿蜒磅礴原闕平衍四顧

迴旋川湖襟帶予曰此勝地也清淑之氣於是焉

鍾二子舍其舊而新是圖蓋卜諸此諸生聞予

言而躓之遠於三院監司咸下其議於是命生員

張世揚俞一陽輩治舟楫聘堪輿割榛莽伐林木

涉山麓而詳察之曰吉在是矣內之隆焉而止外

之隨焉而比天文奠位賢哲肇基善存其中不可

舍也諸生喜而奔告於予予與諸同寅縣尹學博

疾馳而觀久之咸曰美哉崇山上勢秀水會同樹

而宮墻文光昭融詢之人謀茲其僉同遷也吉莫

大焉乃規址理材命工筮日復聞之三院監司僉

議以生員徐來劉邦美耆民朱沐馬軫董其役經

始於丙寅之冬踰年季夏堂廟先告成焉其齋廡

廊祠解宇以次而舉是舉也始謀者予與節推林

君樹德也繼而捐贖罰若干而終其事者代巡李

公叔和而作興規度以襄落成之功者今之郡守

戴君九疇二字李君焯別駕陳君彛節

推陳君堂縣尹江君時鳴也於是乎記

萬歷七年知府楊守仁知縣王師元撤舊學門創

建高樓三楹扁曰聚奎樓截泮池東西使形如半

壁營大屏墻於明倫堂後十七年知府鄭銳臨學

因西首居民起造高樓有損且塞來水乃令諸生

買闢空址存學收租公用二十年署縣事同知危

以平大為脩理教諭周世臣乃建啓聖祠於儀門

內之東首改土地祠於儀門右偏二十九年知縣

王洺開外泮池三十二年知縣林志孟設屏墻四

十年知縣郝光輔啓建文昌閣上祀朱衣之神邑人馬中騾爲之序

國朝順治年間知縣鄭應臯張文韜脩舉數四康熙十一年知縣項一經偕教諭稽爾助以良爲六秀起傑閣以祀文昌與爲文峯建鐘樓以奉關帝兩廡儀門漸次完舉縣尹項一經有記

康熙十九年泮池傾瀉知縣夏景松修砌周圍樹以石楯二十一年夏洪水汎溢大門傾倒知縣戚延裔重修教諭李用勤有記四十三年邑人詹嗣業補重脩督學姜樞有記

雍正元年知縣薛景珏重建明倫堂

乾隆十一年知縣胡士圻創首合邑公捐重修有

記董事生員馬自昂陳性喻懋烈程學詩耆民方開祚趙廷珍俱刻石

文廟 明初詔正諸神封爵位號惟孔子特仍舊每

歲以仲春秋上丁日傳制遣官祭於國學洪武十

五年始詔天下郡邑學皆祀孔子頒釋奠儀二十

九年黜楊雄進董仲舒從祀永樂八年正文廟聖

賢塑繪衣冠令合古式正統元年刊定從祀諸賢

名爵位次頒行天下進胡安國蔡沈真德秀從祀

三年禁天下祀孔子於釋老宮八年進吳澄從祀

宋治九年進楊時從祀嘉靖九年從輔臣張寧敬
議改正祀典易像以主改大成文宣王曰至聖先
師孔子改大成殿曰先師廟殿門曰廟門門內配稱
復聖顏子崇聖曾子述聖子思子亞聖孟子十哲
以下皆稱先賢某子左止明以下稱先儒某子申
黨卽申張去黨存張黜公偕察秦冉顏何荀况戴
聖劉向賈逵馬融何休王肅王弼杜預吳澄等十
三人俱罷祀進后蒼圭通歐陽修胡瑗陸九淵五
人從祀而林放蘧瑗鄭衆盧植鄭元服虔范甯等
七人則各祀於其鄉凡籩豆樂舞之數皆更定焉

其內臣降香亦罷隆慶五年進薛瑄從祀萬曆十
二年進王守仁陳獻章胡居仁從祀四十七年進
羅從彥李侗從祀

國朝康熙五十五年升祔朱子增范仲淹從祀雍正
二年復林放蘧瑗秦冉顏何鄭康成范甯從祀進
縣直牧皮樂正子公都子萬章公孫丑諸暮亮尹
焯魏了翁黃幹陳淳何基王柏趙復金履祥許謙
陳澹羅欽順蔡清陸隴其從祀

按郡縣立廟始於漢明帝二年以周公爲先聖孔
子爲先師唐貞觀初始專祀孔子以孔子爲先聖
顏子爲先師其從祀四配十哲至宋乃
備而以主易像又自明始叙自明始

崇聖祠 明嘉靖九年詔兩京及天下學校各建啓聖公祠中祀叔梁紇題其主曰啓聖公孔氏之位而以顏無繇曾點孔鯉孟孫氏爲四配俱稱先賢某氏之位又以程珦朱松蔡元定從祀俱稱先儒某氏之位

國朝雍正元年追封孔子五世祖木金父公爲肇聖王高祖祈父公爲裕聖王曾祖防叔公爲詒聖王祖伯夏公爲昌聖王父叔梁公爲啓聖王卽於啓聖祠內安設神牌按昭穆位次每年春秋致祭其牲牢酒醴簠簋籩豆每神位前各照啓聖王例陳設其啓聖祠更名崇聖祠

雍正二年進張迪從祀

祭器

銅爵	二十 六隻	錫爵	二十 二隻
白磁爵	一百五 十隻	銅鐘	六口
石磬	一十 六塊	錫登	一 個
錫劍	二十 四副	錫簠	一十 六個
錫簋	一十 六個	錫籩	一十 八個
錫豆	一十 八個	錫酒樽	六個并 杓六個
大錫香爐	一 個	大錫花瓶	一 對

大錫燭臺一對

中錫香爐四個

中錫燭臺一對

小錫香爐二十個

木帛筐四個

水牲盤二十個

祝文版一座

樂器

黃綾龍麾旗壹

穿心大楹鼓一面

琴四張

瑟二張

簫四枝

笛四枝

笙四枝

排簫二枝

節一枝

干二面

搏拊二面

塤二個

篪二枝

羽籥四副

取進文武生員名數

每科取進文生二十五名

每科取進武生一十五名

廩增名數

額設廩生二十名

額設增生二十名

樂舞生名數

額設樂舞生六十四名 外設四名以脩丁夏事

故 共設樂舞生六十八名

膳夫名數

額設膳夫二十名

鄉飲事由

建邑鄉飲因係附郭惟奉府舉行六年換輪建邑一次

學田壹拾捌畝叁分零明萬歷知縣劉洪謨置

名宦祠 在大成門右內祀沈瑀房瑄趙與櫝顧執

中侯康遠俞汝為郝光輔魏宏政蔡茂春吳洪昌

鄉賢祠 在各宦祠右內祀嚴光江公望喻樛趙彥

肅馬大同郎慶郎勝張瑛徐懷王浚郎滋王秉中

俞廷貴俞夔何渥宋邦機柴時暢戴震亨戴啓祥

張受孔柴挺然宋賢俞有詔何尚賢詹應夔蔣子

貢詹惟聖詹開禧詹嗣祿張其勳張炘吳瑜

忠義 孝弟祠 在鄉賢祠南雍正元年奉文建於學宮之


內祠門內立石碑一道將前後忠義孝弟之人刊

刻姓名於其上已故者設牌位於祠中每年春秋

致祭

節孝祠 在府治西雍正元年奉文擇地營建祠門

外建大坊一座將前後節孝婦女標題姓氏於其



上已故者設牌位於祠中每年春秋致祭

教諭署 在大殿東

訓導署 今圯

進德脩業二齋 今廢

周公祠 在文廟後祀始事太守周望故附此

義學

文淵書院 在府學東卽分守道舊址康熙五十八

年知府吳昌祿創建知縣薛景珏董理六邑公捐

延請掌教造就人才一時稱盛乾隆十二年知府

雷紳知縣胡士圻重修

本府義學 在富壽坊康熙八年知府梁清然建捐

俸置田一十二畝七分坐落二都金家店

二府義學 在後歷橋同知其國奎建捐置田五畝

九分坐落

在城二處
大洋

縣義學 在字民坊知縣戚延喬建雍正七年知縣

紀廷詔置田一十九畝二分坐落南鄉王山頂

龍山書院 舊在拱辰門外久廢康熙初年建書院

於興仁門外文昌閣之前仍舊名不十年圯於水

後以二府義學當之則名存實亡矣

文昌閣 在興仁門外一里明萬曆十四年知府鄭

銳以東方地屬青龍勢宜昂顧而山勢短縮以致
 風氣傾泄特於茲地先培一阜高丈餘縱橫皆十
 丈上建層樓五楹樓祀文昌星下祀關帝前為大
 石亭以便行人暫憇後培一壠高如之直接山麓
 往來望若重城遂為城東偉觀邑人蔡應龍有記
 閣前五十步為躍龍亭萬歷二十四年知府黃功
 懋建接前大石亭培土直達書院右前為八角亭
 邑紳宋賢建後燬基石猶存雍正三年僧德悟建
 後殿高樓五間乾隆
十五年僧明
 機復修殿閣
 祀典

禦災捍患崇德報功 國之典也或 功令所

載或民情所繫例得並書志祀典

萬壽宮 舊元妙觀在城內西北宋祥符四年隆詔

建殿以奉聖祖歲時長吏率官屬朝謁著於令

國朝康熙二十年知府任風厚重修置月臺下班

亭二座前建大坊規制尊嚴坊外左右各立下馬

石為合邑文武官員列班朝賀慶祝

萬壽宣讀

詔旨之所乾隆十九年知縣王賓重修

風雲雷雨山川壇 在澄清門外隔江距城二里明

洪武二年始命於城南創立二壇一為風雲雷雨
 一為山川八年合二壇為一南向甃以石東西二
 丈五尺南比如之高三尺陞各三級壇下前九丈
 五尺東西北各五尺繚以周垣立四門由南門而
 入石主長二尺五寸方一尺埋於壇北正中去壇
 二尺五寸上露圓尖餘埋土中木主三中曰風雲
 雷雨之神左曰本府境內山川之神右曰本府城
 隍之神壇左建神厨庫房宰牲房各三間齋宿房
 五間歲久傾圮

國朝惟立圍牆四門不建房屋其縣壇即附府壇府

縣同祭本府顯脈

社稷壇 在武定門外一里舊在城西南宋宣和間
 移西北明初改建於舊州學基即今地社稷合為
 一壇北向廣袤與山川壇同木主二各高二尺二
 寸濶四寸五分右曰府社之神左曰府稷之神厨
 庫房悉如山川壇制歲久傾圮

國朝惟立圍牆四門不建房屋縣壇附府壇府縣同
 祭

先農壇 在興仁門外雍正七年奉文創建置買壇
 基八分藉田四畝九分前為壇高二尺一寸寬二

丈五尺後建正房三間配房各一間先農神牌高二尺四寸寬六寸外築圍牆開門向南每歲頒日府縣率老農行耕藉禮

郡厲壇 在拱辰門外明洪武三年創置中築壇前為碑鐫欽降祭文於石周圍繚以垣牆南為門東南為宰牲房歲久傾圮

國朝順治年間知縣張文韜重建康熙十年知縣項一經增修復圮康熙六十年知縣薛景珏重建平廳三間前為門樓左右垣墻如初

聖社壇 前明洪武八年每里設壇一所圍以土墻中築土臺凡遇春秋二社人民祈豐報祀土穀之神祭畢會飲讀誓詞云凡我同里之人各遵守禮法毋恃強凌弱務存恭敬神明和睦鄉里以厚風俗後址存禮廢

鄉厲壇 前明洪武八年每里設壇一所四圍土墻中築土臺門立碑額書無祀鬼神壇祭日與邑厲壇同後址存禮廢

附義塚在興仁門外明成化間知府朱暄市民地為之名漏澤園宏治間知府李德恢復脩嘉靖間按察僉事譚啓文拓之五門各置一處國朝康熙七年知府梁浩然捐買民地數畝重立義塚碑知縣項一經復扞於義塚之南捐置民地數畝名廣孝扞二十一年知縣戚延喬又置叢塚

於廣孝扞之南嗣後歷任知府江濯蔡珠王廣益
蔣林知縣張孚至各置捐義塚俱在武定門外

府城隍廟 在建安山麓宋景定年間賜額靈應明

止稱嚴州府城隍之神成化八年知府朱暄立坊

額曰城隍廟又坊曰福善禍淫萬歷五年知府

守仁重脩

國朝康熙十七年知府陳于庭大脩墻垣各易以磚

復建後樓三間以祀神父母戟門外濬一巨池以

蓄水中架石梁士民德之建召憩堂三間於左以

紀公蹟邑人何士錦有記乾隆四年知府周範遵

知縣董衡各捐俸剏首合郡公捐重脩各姓名俱

勒石

董事生員馬自昂陳注耆民
謝聖澤方雲奕之力居多

縣城隍廟 在縣治之東先祠祀於府城隍廟明崇

正丙子知縣吳洪昌建梯雲樓三層癸未知縣楊

宗簡改爲縣城隍廟

國朝康熙十一年知縣項一經重修壬戌洪水傾圮

知縣戚延喬重修增建後軒三間乾隆十一年知

縣胡士圻捐俸剏首合邑公捐重修并修三元樓

建造戲臺脩整神像

董事生員喻懋烈胡
鴻舉陳注許英等

縣土地祠 在縣治門外左首

嚴陵祠 舊在城東報恩寺西南明嘉靖間知府吳

世澤建萬歷二十三年知府陳經濟因其雜處闕
闕非所以崇清節也改建於建安山西麓面迎流
水清曠相宜後有樓三間遂圯萬歷四十一年知
府呂昌期改爲平廳

國朝康熙二年知縣胡應華重脩歲久傾圯康熙五
十五年知府王廣益獨捐清俸委縣丞劉世正重
建前拓行道五尺後構別室三間以居守者邑人

張雲鶚有記

載藝文其捐給砌路
則生員王大仁也

程公祠 在和豐倉前相傳先立祠於城南後因大
水郡民~~暫~~移塑像於太保廟屢移不能動孟珩卜

之遂改今祠郡志載公名昉字彥升樂安博昌人
梁天監中自秘書監出爲新安太守在郡不事邊
幅率然曳杖徒行邑郭人通詞訟者就路決焉爲
政清省吏民便之百姓年八十以上者遣戶曹接
訪其寒溫郡有蜜嶺及楊梅舊爲太守所採以目
險苦民卽時停絕卒於官惟有桃花米二十石無
以爲斂遺言不許以新安一物還都雜木爲棺浣
衣爲斂闔境痛惜共立廟祀之

三先生祠

在府城西資福寺北偏

今移城在武
定門外一里卽

竹閣舊基明景泰四年知府劉綱重建塑范文正

公仲淹像而以東萊呂成公祖謙配扁曰政教祠

士民惟稱為思范亭郡人胡莊懿拱辰有思范亭

記畧曰謹按斯亭舊名竹崗出郡城小西門西行

中為能仁寺右偏為資福寺能仁寺之南偏則為

竹閣宋明道二年范公自右司諫來守是邦日喜

登焉後人乃更名曰思范紹興九年重葺復廢

矣今郡守劉公綱二守李公遜節判鄒公濟節

會公賈方圖重建而資福寺僧道存乃於能仁之

南資福之北掘地得石碑上刻二詩其一云僧

倚寒竹幽襟聊一開清風曾未足明月可重來

意烟垂草秋姿露滴苔佳賓何以好雲瑟與霞盃

其後題云鎮江軍節度推官阮逸其一云竹閣寒

相倚雲暈曉共開閉身方外去幽意靜中來聲響

風隨籟陰移日上苔遲留更清夜待月露盈盃其

後題云治平二年十月尚書知郡事劉述書置於

思范亭道存以告劉公躍然謂諸公曰范公其有

靈乎相與仰其舊址建廳三間前置重門築土以

繚級石以登中肖范公像而東萊呂公祖謙則

嘗教授於嚴者故以配之特牲告成而落焉

嘉靖己未文正裔孫范惟一督學政按嚴校士議

增南軒張本棧並祀為三先生祠前為坊曰思范

郡人吳世良記按郡志載徐階有重建三先生祠

告成刻石吳世良記未詳

明末附以知府胡公崇德為四先生祠按胡公廣

由舉人於崇正十五年十二月到任十七年陞九

江道副使但祠稱先生非以志遺愛乃尊德樂道

之意自胡公附而後之附益者且欲為

五先生祠似失稱名之實故併志之

國朝順治四年知府錢廣居重脩康熙五十五年知

府王廣益捐俸重脩乾隆十七年知府吳士進捐

俸委驛官謝登元董理重脩

二太守祠 在北高峯祀前守楊公守仁鄭公銳

徐公祠 在太平橋上祀前縣徐公京哲

王公祠 在東門街今名王公祠前公名光鼎奉天

人於康熙三十五年仲冬蒞任數有異政次年六

月亢旱步禱龍山因遭疾在署猶每日叩天為民

請命七月十一日疾篤閤城士民齊集城隍廟呼

號請代及卒罷市三日鄉民瞻拜者絡繹不絕越

三日薄暮在府治前降神附童曰我王太爺有話

吩咐你們眾人聽者曰在光之下雖為大人去鼎

後睦陵佑神烏龍背上水不行緣何此地就無靈

四書句怪力亂神你們可曉得怪力亂神麼我今

為你們香火丁士民請書於簡為肖像立廟祀之

并請入名宦祠邑人詹嗣祿為之序逾歲再旱鄉

民請禱顯應香火遂盛

立廟董事生員夏有諶陳作美者民何天爵吳伯綸

張上進等其創首則邑紳詹宋二姓也

關帝廟 在興仁門內雍正三年奉文各省府州縣

每處擇一廟之大者後殿置主供奉關帝三代魯

祖封光昭公祖裕昌公父成忠公每年除五月十

三日前殿照常用牛一豕一羊一帛一果品五盤

後殿不用牛隻餘悉照前殿其春秋二祭照

文廟之例前殿犧牲牛一豕一羊一籩豆各十帛一

後殿犧牲用豕各一羊各一籩豆各八帛各一令

有司一體遵行并禁嗣後有裝塑供奉者不許再

塑侍立側坐之像

一在府學西康熙九年居民建

烏龍廟 在烏龍山麓神姓邵名仁祥字安國淳安

人隱居烏龍山謁建德令周光敏條陳事宜令怒

其無禮笞殺之瀕死語令曰吾三日內必報爾屈

期雷電晦冥有巨蛇長數十丈至縣庭令見之驚

懼立死空中語人曰爾諸民立廟祀我我當福汝

時唐貞觀封貞應王宋熙寧封仁安靈應王宣和

間方臘之亂神陰助殲之紹興賜額廣濟加封忠

顯嘉熙又加封廣澤淳祐中錫號曰忠顯靈應廣

澤孚惠王明洪武初李文忠守嚴州僞吳李司徒

寇諸暨新城文忠率兵三千破其軍十八萬陰兵

旗幟遍郊野又高祖與陳友諒鄱陽大戰煙際有

巨人旗戟陰呼烏龍神兵旣而克捷勅封烏龍山

之神帝有司春秋祀之胡翰有記

國朝順治三年大兵將至方馬兵南潰欲入城肆掠

夜見神兵森列城堞望之卻走四年知府袁仲魁
重修十三年知府吳興宗重建儀門五間康熙十
一年知縣項一經置田八畝以為香火之資邑人
何士錦有記雍正十三年副將葉時芳剝捐委董
事羅立勳等修葺嗣因大殿梁毀乾隆六年知府
富紳知縣張繡創捐合郡公助重建大殿二門頭
門戲臺裝塑神像巍我倍昔

宣靈廟 在郡城三元橋上祀宋故孝子周王尊神
神名雄字輔德後改名繆宜臨安新城太平里人
生於宋淳熙戊申三月四日孝事繼母文愛二

年三十六於嘉定癸未四月八日卒於衢屢有異
徵衢人立廟祀焉端平二年封神廣平侯嘉熙二
年神降形為醫救國母難理宗嘉其忠孝於淳佑
元年秋勅封護國正烈宣靈廣平王延佑二年隆
郡旱潦荷神庇佑得錫康平因立廟於此自宋以
來代顯靈應明嘉靖年間重修邑人俞稷為之記
國朝康熙五年復修邑人何士錦記乾隆十五年里
社士民公捐重整更置民屋三進創偏殿於廟左
府廳縣鎮各有題贈邑人吳謙誌沈逢舜俱有記
靈順廟 在澄清門內即周宣靈王古殿也

國朝順治間郡人復鼎建後殿以奉神父母額曰尊
親殿樓曰華光樓左建文昌閣魁星樓監生殿知
府錢廣居有記

寧順廟 在城南岸一里地名天子隴祀倪祖夫人
夫人姓陳名叔英本縣人適儒士倪可耕生子惇
娶婦化氏神十八發居與子婦俱有神術梁大同
中侯景亂軍士入援經此苦暑渴無屨遇一姬一
樵者攜一水瓶令士卒傾飲不竭復遺以草屨使
均躡之遂巡鼓風無蹤諸軍驚駭梁武帝聞其事
乃新安郡南傭民倪氏母子時已逝矣遂立祠以

配太清中册顯應妃子封廣利王化氏封東陵郡
君唐貞觀中中書令馬周始遷今處名曰謠山周
顯德六年吳越國王立石宋景德四年諸路亢旱
降御札禱於廟卽時降雨霈三晝夜漕使胡則遣
文林郎周寬夫祈雨亦獲感應大中祥符初勅守
令脩葺廟宇以時致祭改封顯應正節聖妃所降
勅牒封誥俱存州庫三年以杭越二州禱雨有感
加封顯應正節聖惠妃子加封崇福承烈廣利王
化氏加封保寧協順夫人仍賜錢三千貫修廟元
豐中待制周邦彥侍講楊傑皆有留題紹興五年

張魏公浚都督岳飛統兵平洞庭楊么經過謁廟
請助師獲捷淳熙己巳郡守陳公亮搜訪神跡乃
得紀傳號曰忠應錄

鎮寧侯廟 在縣東五里神姓柳河東人東晉時爲
新安內史梁貞明四年贈尚書左僕射封廣福侯
後唐清泰三年封爲洪仁廣信王神弟封保靜侯
神妹封慶安夫人

大浪廟 在縣東十二里大浪灘險風烈舟行甚

灘村民立廟以祀龍王

有古木三株蔭庇
上下永禁砍伐

翊忠侯廟 在縣西地名靖林神姓潘名世雄本縣

龍山鄉人宋宣和間以勇力禦寇有功死而降神
因廟食焉嘉熙間封翊忠侯校書郎楊勿度爲記
陳司徒廟 在縣西六十里銅官地方神名杲仁晉
陵人生於梁太清三年年十八登進士隋大業中
奉詔平長白山及江寧等寇義寧中統兵剪東陽
賊二十餘萬官拜大司徒時稱其忠孝文武信義
謀辨爲八絕煬帝被弒時沈法興有異謀司徒爲
法興壻畏不敢發先被鴆死嚴州乃司徒勦賊處
屢著靈顯唐乾符二年鎮海軍叛卒王郢緣海爲
寇節度觀察處置使禱於廟有應以其事聞封武

烈王宋宣和三年方臘猖獗神陰兵助戰殲焉四年賜廟忠祐嘉泰間加封孚佑真君父季明封啓靈侯長子垣封贊惠侯次子頽封協應侯

汪大王廟 在縣西三十里汪尖山下神名萃歛人隋大業中羣雄竊據神起兵新安集果毅保州里遂兼宣歙杭睦婺饒諸州地唐武德四年籍土地兵民奉表於唐高祖嘉之晉越國公食邑三千戶生時保障有功沒著靈異故至今祀之

徐王廟 在縣東南十里地名宋公村相傳昔偃王子隨父南徙終於苔溪有雲異邑人立廟以祀宋宣和二年因方臘亂神能保護郡守以聞賜廟額又縣西二十五里及樟村徐岸各有徐王廟

開國侯廟 在縣東南十里地名宋公村晉冀州刺史宋興永嘉間隨駕南遷功封開國侯食邑於睦卒賜建廟唐開元裔孫宋璟刺睦重葺子孫永祀羊太傅廟 在縣東南二十里地名和村祀晉羊祜也相傳鄉人有遊峴山者夜夢神告曰吾與爾俱遊汝鄉歸而祀我夢者橐香火以歸卽地建祠水旱禱之卽應又縣西南八十里有羊亭祠

將軍廟 在縣南四十五里將軍巖相傳裴謝二將

軍爲神於此鄉人祀之廟碑有一射百馬倒再射
萬夫開之句

蔣山神廟 在縣南二里神姓蔣名子文金陵山神
也唐貞元十一年建此廟又縣西十二里十五里
俱有祠又有祭龍壇在縣西建昌山龍王廟側

陳侯廟 在縣東北六十里安仁山神名憚字子厚
桐廬人封餘杭侯

廣福廟 在縣南四十里謝浦卽杭州蔣相公也鄉
民因慕神靈立廟以祀之其應如響宋咸淳六年
安撫潛說友請於朝封神爲孚順侯神弟二人爲

孚應侯孚佑侯

吳烈王廟 在縣北胥嶺乃伍子胥別廟也舊未載
祀典宋紹興九年因修圖經考正取吳山本廟封
爵名之歲時遣官致祭今胥村胥口俱有廟

朱太守廟 在縣西五十里祀漢太守朱買臣也

湖山廟 在縣西聖湖之南相傳唐時天台有張姓
者經此見山水之秀理金錢記之後有范姓者亦
過此復以金針識其地後二人俱歿乃降言吾欲
於此立廟福庇一鄉曩已定之矣遂掘地果有金
錢而金針正穿錢眼中於是立廟祈禱無不隨應

唐末黃巢餘黨未滅失其所在主帥夜夢二神告
曰翼日雙白鶴所止處賊所在也至則果然遂勦
之聞於朝張封靈佑安民侯范封靈佑定民侯宋
乾道間里人黃再誠重建

威濟廟 在縣西二十里醫潭嶺麓宋宣和間官兵
平方臘有潛助之功賜廟額曰威濟廟

馬目廟 在縣西三十里馬目浦口瀕江唐刺史呂
述建按述詔謂先是州之右有潭曰醫潭其深無
底鱗物宅焉因於廟潭上而馬目顧無之每有禱
則附而祝曰告於醫潭馬目之神開成己未歲旱

請於神曰能雨則立廟越三日而雨乃依山爲
廟宋咸淳間圯於水里人重建

烏石廟 在烏石朱梁時建以鎮石乃烏龍王行祠
也又縣西和溪邵家村亦有行祠

保安廟 在縣西楓樹嶺山麓

七總管廟 在建昌山舊爲龍王廟因明初征張士
誠神陰兵助陣李文忠上其事耐焉今遂爲七總
管廟祀龍王於後殿雍正初年里民重建拓宇鼎
新香火甚盛

順濟龍王廟 在縣東東山之上舊名兩港龍王廟

祀新安東陽二江之神先是二水爭行溢入城為患宋元祐八年知州呂希純即二水匯流處立廟為文以祭二江之神俾如兄弟更相遜避自是無復水患者四十年而歲久廟廢紹興四年水患又作州人重建廟於溪陰自是安流淳熙間通判泌因地勢卑隘復遷今所請賜廟額曰順濟

龍王廟 在西湖壩上與建昌龍王俱新安江神也

天后廟 在城內乾隆十六年建侯官吳履泰有記

略曰神莆之潛洲嶼人五代時都巡檢林愿第六女也宋太平興國四年三月二十三日神始生有異徵既長能乘席渡海乘雲渡島人呼為神女雍熙四年卒自是屢著靈異歷宋元明俱加封號

國朝康熙間臺灣歸順神顯靈威復封天一年加封天后春秋致祭載在祀典夫用物宏若神之生而靈異歿而神明不吐磨意其未生之先早乘滄海不磨之靈於林氏以顯奇踪俾沿海生民有所憑藉求福祐之主故凡乘舟遇風至無可如何之際莫不被髮狂呼阿母不移時而風過舟平或以此獲濟商船往來皆奉為隨身香火及多輒建行宮奉祀不忘本也今吾鄉之安復於乾隆十六年建行宮於郡城因請記惟嚴未始有廟恐未識吾鄉人所以尊神金林元龍郭映鑿也例得並書

平水廟 在縣東北六十一里芝山東麓鄉人奉祀

禹王名曰通天平水神廟水旱必禱焉

三仁廟 在宋公村開國侯宋興建以祀殷三仁蓋

宋氏已廟也舊志增入故附末

總管廟 在縣南十里神姓胡名賢生時為江西興

國縣典史歿於明萬歷間降神除狐祟因封總管

岳王廟 在城西和義門內

坊墓

自古名卿烈士生則表其里居歿則封其邱墓

所以厲風教存忠厚也其在志乘可無屋烏之

愛樵牧之禁與志坊墓

坊表

漢富春治坊

在縣治正南承流坊 在府

宣化坊

在府

斯文在茲坊

在府

興賢坊

在府

育才坊

在府

攀龍附鳳坊

在縣

畫錦坊

在府

字民坊

在縣

富春坊

在興仁

富壽坊

在正

輯睦坊

在後

福善坊

在縣

里仁坊

在縣

三元坊

在大街為

善政坊

在府

親仁坊

在府

純孝坊

在府

雙桂坊

在縣治西街宋元豐八年為倪

世登金榜坊

在正東街為甲甲進士郎慶士

禽梓聯芳坊 在正東街為進士即勝郎滋立

觀國賓坊 在磊石巷為承樂癸卯舉人宋澄立

九世同居坊 在正東街為旌表義門何永敬壬戌進士何渥立

世芳坊 在正東街為成化侍郎唐泗尚寶寺丞唐勝立

兄弟進士坊 在府治西為正德丁丑進士俞夔嘉靖癸未進士俞稷立

進士坊六 一為烏濬一為柴文顯一為徐懷一為蔣泰一為何渥一為王浚

大中丞坊 在縣治後為都察院副都御史王浚立

大方岳坊 在縣治後為王浚立

大方伯坊 在府治西為丁丑進士俞夔立

經魁坊二 一為正德庚午第四名一為嘉靖壬午第二名

侍郎坊二 一為徐懷一為王浚立

梯雲坊 在府治西為舉人孫垣立

擢英坊 在府治西為舉人方塘立

叢桂坊 為丙午舉人楊滔丁酉楊琦乙卯楊欽立

雙鳳坊 為壬戌進士宋賢柴挺然立

秋鄉坊 在府學東為刑部侍郎徐懷立

都憲坊 在正東街為兵部侍郎兼副都御史宋賢立

祖孫科甲坊 在正東街為舉人宋顯宋澄立

作忠資父坊 在府治大街為封公戴

先覺名儒坊 在府治大街為封公柴時暢立

文衡官鑑坊 在東門外為己卯河南
正主考吏部柴擬然立

雲達彩鳳坊 在縣西十二都
為同知黃建立

八士聯聯坊 在府治大街為舉人孫一
美政王那梓何道安方世德方學龍余

學文

彩鳳聯飛坊 在華光樓北為舉人
柳本泰徐汝圭立

三俊登庸坊 在正東街為丁卯舉人
震亨徐乾貞何守成立

清時俊彥坊 在太平橋下為舉人毛一
潛蔣時慶方應時徐汝遠柳鳳梧余焯

徐鳴陽范
思正立

各高兩浙坊 在靈順廟上首為解元
龍舉人吳一棻徐鵬程立

三鳳坊 為己卯舉人魯承恩甲
午舉人陸應龍邵萬立

傳芳坊 在縣治東偏為旌表徐行
詹叔長詹好信立

已上七坊係同六邑甲科齊立者故並列名餘則

統詳於府志茲不載入

思范坊 在武定門外為
文正遺愛立 遺愛坊 在武定門內為
推官夏鼎建

刺史坊 為知府
鄧椿立 國醫坊 在和義門內為
鄧醫方叔和立

雙節坊 在縣治東偏為旌表徐行
妻王氏徐衢妻周氏立

貞節坊 在縣西大源為旌表
徐宗賢妻沈氏立

節孝坊 在府治西為唐
良正妻張氏立 百歲坊 在縣西大源
為徐珂立

教閱坊 在武定門外
大教場東 放生池坊 在和義門外知
府錢廣居建

墓

漢會稽太守朱買臣墓 在縣西四十里朱池之西幽徑山

晉開國侯宋興墓 在縣東南十里苔溪之濱元推官宋夢鼎表誌之

唐孝子何起門墓 在馬目山麓

宋翊忠侯潘世雄墓 在蕙巖山麓

諫議大夫江公望墓 在三都江村山麓考郡志在淳安舊志增入似無確據

刑部員外郎喻煇墓 在武定門外龍泉菴後

兵部侍郎馬大同墓 在三都大塘塢

寧海推官趙彥肅墓 在拱辰門外

死太守俞文明教諭俞淳墓 在南山郎中林

總管魯顯墓 在拱辰門外鳳凰山前

明都御史宋旻墓 在武定門外裴郭塢

贈福建按察使張英墓 在九都馬日山

福建將樂知縣應達墓 在九都石筆後

工部侍郎唐宗魯墓 在八都桐溪之涯

左春坊左諭德傅宗墓 在拱辰門外排子山

刑部主事陳塘墓 在十里舖赤渡嶺

文林郎貴池知縣阮士進墓 在三塘塢口

御史柴文顯墓 在拱辰門外澄溪院前

文林郎上高知縣柳本泰墓 在九都灌浦

福建左參議曾謙墓 在武定門外社稷壇前

高要知縣何渥墓 在馬路山下

松江府同知黃建墓 在十二都江村建初授絳州知州為民除害絳民思之祠

食富文忠公祠 事見絳州志

贈刑部右侍郎王公墓 在龍泉菴前

知州楊滔墓 在八都烏旗山

孝子徐璠墓 在三都大塘塢黃山之麓

贈刑部右侍郎徐文玉墓

贈刑部右侍郎徐宗政墓 俱在縣西龍山鄉

南京刑部右侍郎徐懷墓 在城北新廟塢欽賜祭葬

邵武知府徐述墓 在排子山前

贈四川按察司僉事俞廷貴墓

江西左布政使俞夔墓

南京山西道御史俞稷墓 俱在裴郭塢屏風山

封湖廣永州同知魯鎮墓

奉政大夫都勻知府魯承恩墓 俱在操蘭塢內

兵部職方司主事夏肅墓 在碧溪塢

封戶科給事申郎希墓

河南按察司僉事郎慶墓

封廣東道御史郎澄墓 俱在青山壇石埠

福建按察司副使郎勝墓

廣東惠州知府郎滋墓俱在桐溪鄭家塢

刑部右侍郎王浚墓在新廟塢口

贈汀州府推官馬如雲墓在縣西龍山鄉

汀州府推官馬中跡墓在蓮塘地方

苑馬寺正卿鄧美政墓在十都

都察院經歷宋顯墓在南岸鄭家隴

高淳知縣宋澄墓在拱辰門外

贈都御史前教諭宋應奎墓在排子山前

贈都御史宋邦機墓在南岸黃泥突

兵部右侍郎宋賢墓在南鄉卜洋

封奉直大夫吏部員外郎柴時暢墓在西鄉鶴臯山

吏部文選司員外郎柴挺然墓在拱辰門外龜山

贈河南參政前知縣戴震亨墓在武定門外道場山

贈河南參政孝子戴啓祥墓在下二都苦溪

鄖陽巡撫僉都御史戴日文墓在碧溪塢

象州知州陳燦廷墓在九都丘婆尖

忻州知州李如鴻墓在操蘭塢

南豐知縣邵有見墓在排子山前

都昌知縣張受孔墓在七都三河

楚府紀善俞有詒墓在十三都峇樹塢

邳縣知縣邵子灼墓 在龍溪大灣山

長沙縣二尹俞寰墓 在三都張周治塢

國朝山海關總兵朱萬壽墓 在碧溪塢

封行人司行人何尚賢墓 在烏龍嶺後

行人司行人何士錦墓 在緒塘村

封奉政大夫提學道詹應夔墓 在十七都白兔嶺山麓

江西督學道詹惟聖墓 在九都裏塘坂

武進知縣馬揚明墓 在禮石埠

贈文林郎海康知縣夏致遠墓 在裴郭塢屏風山

海康知縣夏日昌墓 在桐溪裡陳平

贈徵仕郎中書舍人馬從恒墓 在裴郭塢崔家塢

贈詹事府司經局正字王家泰墓 在城南官塘頂

詹事府司經局正字陞太子洗馬王齡昌墓 在城南兩任

家壠

江西建昌府新城縣知縣陳學聖墓 在城南莊家山

贈禮科給事中詹開禧墓 在二都周監塢

工科掌印給事中詹嗣祿墓 在十里舖小廟前

贈儒林郎監察御史蔣子貢墓 在七都魯塘

贈文林郎平樂知縣應垣宿墓

封文林郎平樂知縣應尚友墓 俱在九都黃石浦

贈中憲大夫曹州知府吳一士墓

在乾潭大坂山麓下

封中憲大夫曹州知府吳瑜墓

在胥埠中保附吳謙墓祭田詳家據

福建鹽法道吳謙銑為祭產有關祀典等事竊本道親父吳瑜賦性樸誠持躬淑慎孝友久彰于閭里義問無間于鄉鄰救災恤賑全活甚多急難濟貧好施不倦生前兩受

單恩歿後再邀

封贈所有生平事實已於乾隆九年經本籍蘇州府

建德縣士民公舉鄉賢呈請縣府轉詳兩院憲核實具題奉

旨崇祀在案第

盛典宜垂諸不朽期馨香永破於無窮伏思本道通籍十餘年董守先人田廬未能增置一椽擴充

一畝惟念職父重受

聖朝錫類鴻仁祀事不可不舉已將職父遺分田畝及本道積置祭產共田三百畝俱經分立鄉賢

祠戶各刊刻石碑永作本家專祠祀田以供春秋祭祀并修理祠堂之費今當本籍縣府修

志書之時所有前項祀田伏乞

憲恩俯念

皇仁崇祀批准載入縣府志書以垂久遠俾本道遠

近親族不得私相復賣倘有不肖子孫私行變

賣族人外人擅行收買照律追價入官田仍給

還祠內等因乾隆十九年正月十七日奉

總督閩浙部院喀批以先人遺產為專祠祀

田歲供蒸嘗永垂勿替誠盛舉也仰候據詳檄

行浙布政司轉飭載入志乘以彰孝思等因由

司轉府到縣踈學一體遵照本年二月初一日

續奉

巡撫浙江等處部院覺羅雅

批仰布政司轉

飭載入志乘并即

移知該道等因

寺觀

建邑寺觀徧巖谷非獨越人尚鬼亦由地僻山

深緇徒道侶得聚處為民蠹繼自今勿使蔓焉

可矣志寺觀

報恩寺 在縣治字民橋下宋慶歷中郡人沈文慶

建

資福寺 在縣西武定門外宋慶歷中僧誠祖開山

治平二年賜今額藏太宗御書寺左為三先生祠

山巔有竹閣今圯

永泰寺 在興仁門外唐光化中建宋政和二年賜

名尋改保慈院元至元間復今名

天寧寺 在南山即南高峯寺宋慶歷中僧道明開

山

大福寺

在城南 國朝僧道明開山康熙二年憐

鎮鮑虎買山建前後二殿內砌石池外造石橋勒

碑建坊焉

九峯寺

在九峯山宋寶祐年建趙抃有詩

靈石寺

在縣東守祿村一名烏石寺五代時建宋

建中靖國間知州馬圩改名

鶴林玉露載烏石寺在高山之上有岳飛

張循王俊劉光世題名劉不能書令侍兒意真代書姜堯章題詩云諸老彫零極可哀尚留名姓歷

崔嵬劉郎可是疎文墨幾點臙脂點綠苔

普濟寺

在縣西南十五里宋建炎間邑民建

仁王教寺

在縣東三都翁村孫吳天璽間支遁開

雲岫寺 在縣西南二十里唐僧靈惠開山

興福寺 在縣東二十五里巖山舊名巖山寺唐會

昌中廢宋乾道間吳越錢氏重建

悟真寺 在縣東北三十里胥口唐僧道密開山

崇勝教寺 在縣西三十里唐村宋大中祥符八年

賜名時有僧義澄號長坐不睡長老真宗嘗賜以

御札詩云正觀心地法色相本皆空禪慧明宗性

超然萬法中院舊有真宗仁宗皇太后太妃賜劄

于御書後燬於火明萬歷間改號龍門禪院

普光寺 在縣西朱池唐貞觀間僧德威開山

極證寺 在縣西二十里宋元豐中僧文友開山

依圓寺 在縣西北四十里石樓唐末僧可則開山

元至元庚辰建徐師元記

資壽教寺 在縣南四十五里石塘源五代漢乾祐

間僧普照開山

鳳山寺 在縣北四十五里莆田村

法華寺 在縣南六十里元至元間僧法源開山

福寧寺 在縣南二十五里大洋源

優曇寺 在縣西裴郭塢口康熙十一年邑人陳家

任買基建知縣項一經有碑記其事

仇池庵 在城內秀山東麓 國朝康熙年間建乾

隆間邑人夏嵩年何讓葉大年田藍王大朋等因

構迴廊精舍一觀音閣一亭二府縣各有題額

尊宿庵 在城外西北一里相傳為唐僧陳尊宿所

創明萬歷間知府呂昌期題額曰如來真境

國朝順治年間知府袁一魁重修

玉泉庵 在城北七里烏龍山麓宋時有陳學古隸

書玉泉庵三字庵西有泉如噴玉右建亭其上紹

興間移亭建性樂堂江公望識庵上有石佛又名

石佛庵

明知府張元電詩云石佛山巖裏芽字秋草深流雲樓塔樹飛絮貼禪心高閣懸燈

在危巖碍日沉乘閒一登眺審此壯雲林

明萬歷間邑人蔡良士建靜室於石佛之左知府

毛志尹郎山泉上建官廳三間題曰源頭活水

國朝順治年間脩葺今惟庵存

邑人宋維祺詩云擬着東山屐來探七祖

禪庵鐫石作佛竹引玉為泉古寺畱殘照虛村起暮烟懸知鐘定後應有一燈傳

萬壽庵 在府城南岸明萬歷間建脩撰朱之蕃過

此題曰入三摩地編修湯賓尹題曰精修六行邑

人蔡良士有記

國朝順治間重建後圯於水乾隆五年居民鄣故址

重建

夏基詩云寂寄閉堂息野蹤蒼苔帶雨華門封烟花如錦增春色碧草埋雲過客筇溪上畫樓人徙倚籬邊亂竹鳥從容楞嚴一卷消清晝坐擁南峯望北峯

大塢庵

即古澄溪院今改為道院

青蓮庵

在城北明李文忠移建

雷公庵

在烏龍山頂一名聖水庵

雲居庵

在雷公庵下宋時建明時嗣有脩理萬曆間知府毛志尹復建官廳於左

茶亭庵

在烏龍嶺上明隆慶間建煎茶以給往來

行人賴之

白雲庵

在烏龍嶺山半

衛城庵

在拱辰門外知縣項一經建今圯

法雲庵

在裴郭塢

小祇園庵

在三塘塢

龍福庵

在烏龍山麓

福巖庵

在烏龍嶺後邑人沈國祥建

廣德庵

在洋溪源坳山

禪和庵

在縣西三十里

梅峯庵

在縣東俗名桃花塢

國朝雍正五年僧德悟重建

普渡庵

在城東十里小里渡北岸渡稱最險值風

浪作舟不能濟行人賴以止宿庵內舊有產地二十餘畝以給茶湯

觀音庵

在縣東十五里

庵前有井遇旱不竭俗呼觀音井

永安庵

在縣東四十五里

雲岫庵

在縣東四十里

慈濟庵

在縣西四十五里

蓮會庵

在十三都

暘和庵

在縣南三十里

西霞庵

即暘和外庵雍正間建知府蔣林題額

清風庵

在縣西四十里徐岸

永濟庵

在十四都

高池庵

在烏龍嶺後

鰲山庵

在縣西六十里

翠微庵

在縣西六十里邑人宋維藩建

南門外茶亭

原城壕基知縣項一經建

圓通院

在城東五里東津山唐時建

宋馬休珍有遊北峯圖

院詩二律其一云十步九憩息行行不計程逕長人未盡寺近地差平古井知潮候重雲隔磬聲落花半零落亂移石碁枰其二云山空不隱響一葉落還聞龍去遺荒井僧歸禮白雲蟲絲昏畫壁嵐氣濕爐熏睡思殊無奈茶甌易策勛

元妙觀

在城內西北唐景龍中建名龍興觀宋大

中祥符元年改名天慶四年改名元妙觀

龍興觀 在縣北三十里今改龍興寺

鳳翔觀 在縣西三十五里朱池宋寶慶間邑民立

西真觀 在縣西五十里

祖師殿 一在烏龍山半一在府譙樓一在二峯尖

天尊殿 在太平橋上東首舊為五顯廟康熙年間

奉文毀五顯靈官士民鄧尚禮何若元馬之顯虞明旭等改今廟

華光殿 在縣西杜橋石亭右

元壇廟 在武定門內先是郡縣山居多虎因祀焉

三官廟 在城隍廟西城中向無三官廟明時耆民

楊池等市茶走齊東歸途夢神遂各捐資創建後

邑人王秉祥等重脩

東嶽行宮 在城西五里嶽神初號府君宋真宗東

封錫名天齊仁聖帝自是州縣皆為立祠

國朝康熙年間知縣胡應華重修一在東門外今沒

於水

泰山行宮 在城東五里北高峯山上明嘉靖間建

其額曰碧霞元君殿知府陳文煥改名為泰山行

宮

論曰山川幽勝人跡罕經地竅所藏不有梵宇元

宮搜遐剔隱其遺於物外者多矣是以高僧法席
 名士標題為山川增勝者均志乘所不廢也惟於
 諸寺觀略書緣起不敢徒事敷陳以張二氏之
 則所以異於昔志耳他如開元玉泉寶華龍興
 門普真大寧洞真諸寺觀凡舊志所載今不復存
 者槩從刪省而百里之區四封之內從未創一尺
 庵則建邑淳古之風可想見矣

古蹟

陵谷變遷事成往昔今之鞠為茂草者皆昔名
 勝所在後人考古所係志古蹟

改城舊址

唐中和間州刺史陳晟始築城十九

宋宣和三年平虜臘知州周恪重築縮為十二里

二步城有八門東曰望雲南曰定川曰安流西曰

安泰曰和平西南曰善利北曰嘉貺東北曰百順

紹興八年知州董彛修葺元因之明洪武二十年

命曹國公李文忠築今城西北移入正東三百五

十步正北移入八十五步正南移出一百六十步

城外西北舊址尚存

南溝 有二源一自舊城百順門外池來一自烏龍

山東西源來經城內合為南溝與斗門溝合流入

余浦移城後則南溝即今太平橋下是也

古池 一在舊城西北三里一在百順門外今廢

三墩 一在通判廳前一在今府學內一在城西

隅俗傳為郭璞審明知府李德恢八景三墩

取此

九井 在府署內實止八井府大堂前一井作

故名九井俗傳為九龍井其在通判署者名書

井以其泉源更勝也八景九井儲清取此

浮橋 在澄清門外宋治平三年新作浮橋錢勰有

記又重修浮梁記三其一黃灝為知州鄭之悌撰其一徐邦憲為知州謝德輿撰其一方逢辰撰

知州李介叔撰

石船 在縣東二十五里長一丈五尺其狀如船故

名舊志云在胥口西半里瀕江叢石中長一丈有

半宛然小舟也春水退鄉民視舟中沙石多寡占

一歲米價沙滿糴賤沙淺糴貴蓋民仰食客販樵

恐不給故篤信至此

胥村 載一統志伍子胥避難至此故名

瀟灑樓 載一統志在府治宋時建郡志云瀟灑園

池在府治後舊名後樂園郡圃之總會也又載范

文正公瀟灑桐廬郡十詠在大廳碑陰按郡名桐

廬郎治在建德也

清風閣 載一統志在府治北郡志云范文正公高

風堂記在大廳東高風堂碑陰刻泰山壽字清風閣郡志未載

梯雲樓 在舊縣學內明宏治間知縣農猷初建三

間嘉靖間知縣林以良增建樓十二間扁曰奎壁

聯輝

洪音樓 在府治西北今名鐘樓改建城隍廟東建

安山舊址遂廢

明何雲鴈重建鐘樓記畧曰吾嚴之有鐘樓舊矣其始建於府治西元妙觀之東南隅歲久傾圮鐘因置之樵樓非制也正德某年郡伯山西孟公春過卜建於建德

之麓體勢崇而風氣蔚人文於是乎彬彬矣嗣有徙於山之巔者至嘉靖庚子秋烈風吹折之遂久弗治乙卯春大郡伯槐亭宿公以才御史出守吾郡矢謨揚烈百墜畢舉顧斯樓之久湮乃竊嘆曰夫鐘以司警候昏旦賴之奈何弗飭謀諸同寅瀛溪王公方山胡公舜山宋公僉曰惟山麓是宜厥謀允協乃出帑羨若干飭材鳩工經始於丙辰十有一月某日迨丁巳二月某日而工訖規制聿新聲聞其達屹然一方之巨鎮也大哉洋洋乎有餘響矣公諱應麟山東之掖縣人

靈香閣 在城東縣治內宋熙寧間蘇頌有記

千峰榭 在舊府治東北偏跨子城上自唐有之宋

文正公重建久圯移城則址不可考矣八景千峰

古榭郎此

唐方干題千峰榭詩云豈知平地似天台朱戶深沉別徑開曳響露蟬穿樹去斜行沙鳥向池來窓中早月當琴榻牆上秋山人酒盃何事此中如世外應緣羊祜是仙才

放生池 卽西湖宋靖康間知州凌唐佐改爲放生

池明萬歷間知府陳文煥呂昌期榜曰來賢湖

國朝順治己丑知府錢廣居重建放生坊於和義門

外郡丞楊繼芳詩云城外蒼蒼水一灣長橋曲徑入禪關高樓人望千家雨飛檻天懸四壁山雲

氣低連嵐氣冷鳥聲應應竹聲聞從來無殺原無放放到無生是大還

孤高亭 在東津山宋紹興間知州胡寅建宋趙抃詩云寺

亭高絕面靈山迤邐羣峰不可攀登賞誰知賢者樂獄扉空冷訟庭閑

竹閣 在府治西能仁寺南偏能仁寺廢宋景祐中范公

仲淹守郡日喜登嘗賦詩後人更名思范紹興九

年重葺明嘉靖間提學范惟一改建層樓閣名仍

舊後圮

國朝順治六年知府錢廣居重建立碑以紀其事今

廢無存葉人綿詩云山圍高閣靄蒼蒼曲磴逶迤竹影涼五馬逢春曾躡蹠百年遺愛尚蒸

嘗風傳清磬來僧舍人到疎林臥石牀爲憶子陵留漢土先生古道更難忘俞雍遊竹閣詩云喬

水陰森氣鬱葱昔賢遺像此祠中寒松故作蕭蕭雨踈竹時敲葉葉風

東館 在城東東津舊有東館樓錢文肅公更其名

曰分歛遭方臘之亂樓廢後作亭爲檢稅之所紹

興八年知府董弁命增窓戶榜曰東館以待往來

艤舟者今圮於水後人遂名東津曰東館

誰亭 在教諭署後教諭李用勤構久圮有詩云小構隨緣耳

栖身有若郵風生向比檻月上近城樓一榻花
邊醉雙峯雲外幽始知閑散局嘯咏是長謀
興仁門外樟木一株乾隆五年何姓欲賣衆共
出資酬價葬存縣庫又文昌閣大路外古木二
株大路內古木一株俱係公占永禁砍伐

建德縣志卷之三終

建德縣志卷之四

經略志

自古疆理天下分設郡縣立鄉都以正經界作溝
洫以興水利修關梁以通行旅飭郵政以便公務
及夫兵營塘汛守望是資政令所由舉而奸究所
由戢也作經略志

鄉都

鄉有里都有畷別以土地定爲成規所以齊不
齊也志鄉都

建德縣舊分九鄉四十里原額田一十六萬六千七

百畝有奇分二十一都共五十三畝每畝十甲每
甲十戶計田三百畝有奇附入十戶者爲子戶戶
首爲里長餘爲甲首不入十戶者爲畸零戶則寺
廟田也每年輪一甲催糧當差其山地基塘不派
差亦不限額如畝中有紳士等戶則照例免差餘
田則派差後因富者上言紳士漸多貧者無力苦
樂不均於十年大造之期合縣公議另分儒宦專
畝以處紳士照例免差其在民畝者一體當差而
子戶遂各立的名爲實戶又因禁革里長通行滾
單于雍正六年前曾院李公衛奏行順莊法民稱
便于是通行順莊

建德縣自縣治至一都爲買犢鄉里三

賣劍里 息肩里 豐稔里 共十六畝坊八畝

宦二畝儒六畝 今順十莊 儒宦畝產 順歸各莊

自二都至四都爲新厚鄉里五

仁愛里 奈舖里 仁豐里 惠召里 孝弟里

共八畝 今順九莊

自五都至七都爲白鳩鄉里五

耳泉里 謝浦里 萬俞里 雲思里 上浦里

共五畝鄉四畝儒一畝 今順四莊

自七都溪西至八都為孝行鄉里七

金靈里 宣風里 白鳩里 忠義里 叔度里

求蘇里 常樂里 其二畝 今順三莊

自九都至十二都為建德鄉里五

東林里 旌孝里 大川里 馬目里 沿江里

共六畝鄉五畝儒一畝 今順四莊

自十三都至十五都為慈順鄉里七

有源里 麟化里 清風里 新義里 楊浮里

拾賢里 均平里 共五畝鄉三畝儒二畝 今

順六莊

自十六都至十七都為龍山鄉里三

絃歌里 下坑里 靖泰里 共四畝鄉三畝儒

一畝 今順三莊

自十八都至十九都為仁行鄉里三

慈孝里 延化里 懷仁里 共四畝今順四莊

自二十都至二十一都為芝川鄉里二

節婦里 隱溪里 共三畝 今順二莊

已上四十五莊細分編順五百三十莊

軍門市 在府治前正街三元坊下

烏橋市 在縣西三十五里

張村市 在縣東二十里

胥村市 在縣北五十里

黃饒村市 在縣西三十里

考向例每十日三市聚貨交易今不行久矣

論曰順莊之法欲使田就人戶不使人戶就田隨

買隨收法至便民然循行既久亦有未能無弊者

蓋民間交易輾轉相售歸莊之田從甲換乙田地

山塘止憑一筆總數不由直脚細號田不歸號則

不能按籍而稽田也稅不歸番則不能按田而求

上也於是虛賣失收諸弊而民有不田之稅言

有無著之糧百端弊藪所自來也故鄉都仍有

志不敢徒徇目前耳

溝洫

山田沙磧鹵澮為難湖堰陂塘惟資灌溉可任

其堙廢而莫之省與志溝洫

窄塘 在縣東

白栗塘 在縣東南

後塘 在縣東南

蓮塘

長塘

直塘

山還塘

興福塘

芙蓉塘

項村塘

高塘 以上俱在縣南 二古塘

泉塘 卸塘

孫塘 塢塘

張塘 橫塘

周家塘 路口塘

朱池塘 回龍塘 以上俱在縣

西

溪西塘 在縣東北 清公塘 在縣北

已上一二十四塘並明洪武二十七年遣官脩築

後村堰 麻丘堰

宋岸堰 大堰 俱在縣西

上塘堰 下塘堰

蒲田堰 芝川堰

甯村堰 大堰 俱在縣東北

已上十堰並洪武二十七年遣官脩築

新亭圩 在縣東三十里

仁奇圩 在縣東北五十五里

芝川圩 在縣東北六十里

石澳碁 在縣西三十五里慈順鄉徐村有曠地數

十頃無水不可耕徐氏鑿穴山三十丈注水南下

遂為良田刻石識崖上事在宋天聖二年饒上立

徐叟廟鄉人祀之

論曰田間水利小民非不自為謀也但衆志難齊
圖始不易在司牧者俯察民瘼按查廢墜以為之
創使按田出資立限修整則民志聚而廢者興矣

津梁

東南古稱澤國津梁利涉輿徒其無病矣以時
修舉亦為政之一端也志津梁

馬石關

在城東十五里

三河關

在城南四十五里俱宋置今廢

津

南關渡

在澄清門外為驛通衢要津向設官渡夫
四名每名額給工食銀一兩五錢士民趙鉉
夏鼎奕鮑廷錫胡旭光等因官渡不敷添造
船一隻公捐田十二畝地三畝收租以作公
費吏員趙繼賢捐田十畝又造船二隻乾隆
十四年府縣立石以垂永久此外尚有渡船
二隻時興時廢未有恒產

烏石渡

紫淇渡

二渡在東館下五里明萬歷壬子知府呂昌
期因風濤最險時患覆舟捐俸造船二隻分
上下兩渡令其遇風救生閱則擺渡往來仍
置田六畝令渡夫各耕種收租以作工費
在東館下二里明萬歷庚戌推官陸卿榮捐
俸買田五畝二分零地二畝五厘五毫塘七
分二厘零收租以作工費

小里渡

租以作工費

建德縣志

卷之四 經略

六

建昌渡 在南門外西首明萬歷庚戌推官陸卿榮捐俸買田三畝二分九厘二毫塘六畝七分九厘六毫收租以作工費

馬目渡 在城西二十五里明萬歷庚戌推官陸卿榮捐俸買田四畝二分九厘四毫塘三分六厘收租以作工費俱經立石以垂永久

東津渡 在東館富春驛前

胥口渡 在縣東二里

石壁渡 在縣南十五里洋潰埠

三河渡 在縣南四十里

曾潭渡 在縣西二十里施家埠

下涯渡 在縣西三十五里

楊溪渡 在縣西五十五里

羅桐渡 在縣西六十五里

銅官渡 在縣西八十里

梁

土橋 在縣東南

新宮橋 在縣西五里

風砂橋 在縣西裴郭塢

和平橋 在武定門外三里

杜橋 在縣西四里原杜姓建後邑人顧一明捐修復圯康熙八年副將鮑虎重建加廣

永濟橋 在派溪口當徽寧孔道康熙十七年邑民張學家貧為縣役發願棄家募資數千金始建今橋座砌石墩上架石梁兩涯砌石路橋側建永濟寺二十二年祝髮為僧易名道樹以終老焉

獅子橋 在和義門外二里 大郎橋 在縣東八里 邑人宋維藩重修

壽祿橋 在縣東十五里 蔣公橋 有二橋俱在三都

苔溪橋 在三都宋公村口源內通浦江為縣東大路 橋濶十虹屢建屢圯今為木筏以便行人

黛潭橋 在縣西十里 緒塘橋 在縣西十七里 邑人何士錦重建

石橋 在縣西二十七里 何峯橋 在縣西二十里 邑人何道崇重建

招賢橋 在縣西六十里 石母堂橋 在縣西三十五里 邑人沈良輔建

龍源橋 在縣西四十里 黃勘橋 在縣西五十里

雙溪橋 在縣西六十里 北塢橋 在縣西六十里 邑人吳家山之麓

近坑橋 在縣西七十里 大堰橋 在縣西三十里 邑人柴挺然重建

和溪橋 在縣西七十里 大興橋 在縣西北十五里

潛風橋 在縣西北三十五里 翠微橋 在縣西北六十五里 邑人宋維藩建

上徐橋 在縣西北三十里 流芳橋 在縣東北三十里 邑人王景貴建

胥村橋 在縣東北三十二里 盛家橋 在縣西北三十里

乾峯橋 在縣東北三十五里 石塘橋 在縣東北三十六里

通會橋 在縣北五十里 金雞窠橋 在縣北五十里 邑人余廷清建

濟川橋 在縣東北五十里 渡息橋 在縣東北五十里

治平橋 即安仁橋在縣東北六十里宋童天任創建 明王景貴重建立碑下有放生池永禁網罟

楊家埠橋 在城北四十五里長十丈許 橋側有石亭邑紳錢立孝建

論曰郡城澄清門外向有浮橋一座後因修造維艱遂改設渡夫四名相傳有浮橋大鍊二條原存府庫明時為金華府浮橋借用借券貯庫歲久漸

志莫議再舉但以南北通衢要津雖現在點金乏術而此橋終不可廢筆之於志亦曰姑俟之云爾

郵政

百里一置十里一舖自昔然矣建驛水程舟楫是宜而舖各設卒以遞公移戍如制志郵政

驛站

富春驛 在東門外五里前臨江涯卽宋之東館稅務舊基明洪武初改嚴陵驛九年更名富春驛萬曆間不戒于火重修後至明季復圯

朝康熙六年知府劉茂先重修屢圯于水今寄居

民舍

原額設養膳應差夫一百七十九名

境夫一十六名

俱每名工食銀七兩二錢今裁扣不一按差支銷餘解驛道充餉

舖舍

府治總舖在府前東偏南至桐溪舖一十里西至十里舖一十里北至嶺上舖一十里

桐溪舖 在縣南十里

石壁舖 二十里

楓木舖 三十里

三河舖 四十里

總舖司兵九名每名銀九兩

已上四鋪南達蘭谿界

衝要鋪每鋪各四名每名銀八兩四錢

十里鋪 在縣西

習潭鋪 二十里

下涯鋪 三十里

分路鋪 四十里分淳安壽昌兩路

焦山鋪 五十里分至壽昌縣鋪

蛇坑鋪 五十里分至淳安縣鋪

已上六鋪西達淳安壽昌縣界

偏僻鋪每名各三名每名銀七兩二錢

嶺上鋪 在縣北

程頭鋪 轉東北二十里

胥村鋪 三十里

陵上鋪 四十里

柘口鋪 五十里

安仁鋪 六十里

已上六鋪東達桐廬縣界

衝要同前

論曰宋時鎮節在嚴原設三驛一曰胥村驛通杭

州大路一曰三河驛通金華大路一曰朱池驛通

衢州大路自明初改設富春驛而朱池大路遂廢

但陸路自桐廬入界遠烏龍山特出白沙入壽

昌界是為人驛實通江西閩廣大路也

兵汛

陳戎器戒不虞國之經也邑設鎮兵控制浙東

非一邑所能專矣略舉大凡餘詳府志志兵汛

嚴州府教場在武定門外三里縱二百三十步橫一

百八十步演武亭在教場正北爲廳三間演武棧

在亭之東偏後圯

國朝順治三年副將蘇見樂康熙二年副將鮑虎先
後重建復圯康熙五十四年副將周士元費俊等
重建

小教場在興仁門內卽選募營基

舊制嚴州所轄百戶凡二十在府治者二在桐廬就
屯者十八每百戶所轄總旗二名小旗十名軍人
一百名旗軍原額二千二百四十名實在一千七
百四十三名

國朝兵制嚴協營設副將一員都司一員左右兩營
守備各一員千總四員把總八員額設馬步戰守

兵丁九百九十六名

塘汛

東館水塘 小里水塘 牙淇水塘 烏石水塘

胥口水塘 叁柏水塘 冷冰水塘

已上七汛俱在東路

桐溪水塘 羊瀆水塘 大洋水塘 麻車水塘

謝坑水塘 三河水塘

已上六汛俱在南路

黃浦水塘 潭石水塘 罍潭水塘 黃饒水塘

下涯水塘 朱池水塘 洋溪水塘 滄灘水塘

銅官水塘

已上九沃俱在西路

菴口陸塘

白雲陸塘

程頭陸塘

下王陸塘

陵上陸塘

站邊陸塘

安仁陸塘

已上七沃俱在北路

各沃皆嚴協撥兵分路防守

按已上水塘舊志所載與今不符查乾隆八年裁

併小塘案內原有黃浦桐溪洋尾舊志作洋潰大洋麻

車三河東館烏石南岍烏石北岍舊志止有烏石一沃胥口

韓家塢舊志無全柏冷水壇石舊志作潭石鍾潭舊志作罾潭

黃堯舊志作黃饒朱池下涯洋溪下滄上滄舊志止有滄

白沙舊志無銅關舊志作銅官近坑舊志無凡二十四沃

隆九年裁省冷水韓家洋尾朱池下滄岑坑六處

併歸大塘今現存桐溪大洋麻車三河東館烏石

胥口全柏黃浦壇石鍾潭黃堯下涯洋溪白沙滄

灘銅關凡一十七沃其小里牙淇謝坑不知廢自

何時而白沙一驛又不知名於何始脩志沿革使

後之人有所考焉

論曰建雖一隅實居衝要昔方臘倡亂而杭歙諸

郡皆不能固元人設守而衢婺之兵相繼敗散有

明規取浙西扼敵喉吭實先取嚴歷觀前代關疆

固圍掃除桀黠皆先有事於嚴豈不以建為鎖鑰
山川雄固進可取而退可守耶自明迄今置兵護

鎮不以無事而廢者誠得形勢之便矣

附順八莊 城鄉共分四十五莊每莊各領小村今詳載于左

在城十二莊

福善莊 輯睦莊 純孝莊 字民莊

書錦莊 宣化莊 富春莊 親仁莊

里仁莊 倉前莊 富壽莊 黃浦莊

東鄉八莊 每莊各領小村

東館莊 橋下 葉家 烏石

楊家莊 領小村 潘家 邵家 喻家 雙橋

下葛 鄭家 松口 張平 小里

下公莊 領小村 杜唐 雞雷 樟閣 黃山

唐山 葉樹 馬宅 虎唐 姚林

上公莊 領小村 張周 雙谿 梓聯

洪嶺莊 領小村 鄧毗 江村 和村

上姜 下姜 烏嶺 姚村 上梓州 下梓州

梓里莊 領小村 廟下 鎮頭 下唐 卽茅

鮑村莊 領小村 長段 上唐 駱塢 橫塢口

大路下 蔣村 前墓 寺前 青橫下 楊橋

蔡山 上錢 方山 湯塢 裡陳 洋峩 西山

黃山 西山 裡錢 十八 雅陳 餘嶺

裡用莊 領小村 山門 馬頭須

南鄉八莊

沈塢 唐家埠 官路邊

洋尾莊 領小村 山青 外蔡 裡蔡 下塘

奎奎裡 後唐 高樓 下 楊山 裡蔣

裡童 芥菜 裡塢 高尖 洋程 趙村

蔣宅 毛村 上坂 鄧塢 外方 裡葉

伊家塢 外江高路 鄧塢 伊村 裡葉

方塢 高垣 塔後 沙墩 前店

麻車莊 領小村 裡唐 馬塢 外屋 裡屋

王家 雙眼塘 上新屋 馬嶺 陳家

石塘 嶼 下徐 謝坑 裡陳

胡宅 崗背 高山 三河 唐家 前村源

陳村莊 領小村 上蔣 下湖 何塢

章家 五白 賀宅

南塢 下田 帶坊 下王 朱家

南小洋莊 領小村 胡店 裡張 麻車

魚塢 大洋 塘下 俞塢 姜塢 行台 魯塘

南山 大宅裡 俞塢 盛塘

陳宅 黃村

姜山莊 領小村 莊頭 西塢 下徐 前所

王山頂 辛塢 楊村 裡王 后仇 裡嚴

外吳村 黃仁堂 中唐 侍唐 小壇 姜塢

蔣家 平蘇 葛家 麻車 王店 姜塢

黃泥突 桐溪 下河 黃家塢 塚溪

青山莊 領小村 何義門 朱家 茶塢

建德縣志 卷之四 經略 古

孫大山 高家 上塢 王家安 施家
上院 胡家 浦下 裡灣 沈家
馬目莊 領小村 上莊 和村 下坑 橫坑
源心 化慈 三保 西塢 俞家 新嶺
西村 高槐 上鄧 鄧家 橋亭
殿後莊 領小村 孝塢 洪家 馮嶺
童山 前方 塢口 下車門 中溪
上王 花墩 芝堰 張龍 下王

西鄉八莊
西 湖莊 領小 西山 教場 菴口 火石塢
塘埠 裴郭 下路山 何塢

鶴皋莊 領小 千家村 壇石 蘇村
山邊莊 領小 十里舖 黛潭 絡塘 鍾潭
中灘頭 前溪 後山根 下

西 桐關 凍深 黃家 鄭村 齊宅 芹坑
溪頭 白沙 干溪 設嶺

西 塘莊 領小 胡宅 方家 張車塢 孔家
上章 洋溪 幽經 鄭家 朱池 毛坂
屋空坂 蛇坑 高嶺 黃勘 橋山 岩珠 蛇嶺後

蓮花莊 領小 卸嶺外 薛村 薛頭 薛塢
上江州 右嶺 汪家 郭村 樟村 下江州
宋岫 西洪 源口 右嶺王 茶園頭 何溪
香山 戴家 章頭 鄧宅 徐家

裡程莊 領小 下市 中市 上市 唐村
蘇宅 上河 外唐 溪上 寺塢 大堰頭
倪村 石樓 胡宅 阮宅 徐岫

西 小洋莊 領小 焦山 下滄灘 上滄灘
橫路 板橋 山河 上洋 下洋 森坑

西 桐關 凍深 黃家 鄭村 齊宅 芹坑
溪頭 白沙 干溪 設嶺

西 塘莊 領小 胡宅 方家 張車塢 孔家
上章 洋溪 幽經 鄭家 朱池 毛坂
屋空坂 蛇坑 高嶺 黃勘 橋山 岩珠 蛇嶺後

蓮花莊 領小 卸嶺外 薛村 薛頭 薛塢
上江州 右嶺 汪家 郭村 樟村 下江州
宋岫 西洪 源口 右嶺王 茶園頭 何溪
香山 戴家 章頭 鄧宅 徐家

裡程莊 領小 下市 中市 上市 唐村
蘇宅 上河 外唐 溪上 寺塢 大堰頭
倪村 石樓 胡宅 阮宅 徐岫

西 小洋莊 領小 焦山 下滄灘 上滄灘
橫路 板橋 山河 上洋 下洋 森坑

西 桐關 凍深 黃家 鄭村 齊宅 芹坑
溪頭 白沙 干溪 設嶺

西 塘莊 領小 胡宅 方家 張車塢 孔家
上章 洋溪 幽經 鄭家 朱池 毛坂
屋空坂 蛇坑 高嶺 黃勘 橋山 岩珠 蛇嶺後

蓮花莊 領小 卸嶺外 薛村 薛頭 薛塢
上江州 右嶺 汪家 郭村 樟村 下江州
宋岫 西洪 源口 右嶺王 茶園頭 何溪
香山 戴家 章頭 鄧宅 徐家

裡程莊 領小 下市 中市 上市 唐村
蘇宅 上河 外唐 溪上 寺塢 大堰頭
倪村 石樓 胡宅 阮宅 徐岫

西 小洋莊 領小 焦山 下滄灘 上滄灘
橫路 板橋 山河 上洋 下洋 森坑

西 桐關 凍深 黃家 鄭村 齊宅 芹坑
溪頭 白沙 干溪 設嶺

西 塘莊 領小 胡宅 方家 張車塢 孔家
上章 洋溪 幽經 鄭家 朱池 毛坂
屋空坂 蛇坑 高嶺 黃勘 橋山 岩珠 蛇嶺後

蓮花莊 領小 卸嶺外 薛村 薛頭 薛塢
上江州 右嶺 汪家 郭村 樟村 下江州
宋岫 西洪 源口 右嶺王 茶園頭 何溪
香山 戴家 章頭 鄧宅 徐家

潘村莊

領小村十四

金村

七塢

水路

溪東

方山

西塢

顧村

下王村

洪村

北鄉九莊

三台莊

領小村十一

長嶺

清溪

飲漿

七嶺

廟亭

余家

金家

百羅

徐勘

宅邊

山路莊

領小村十五

松源

王謝

楊村

官路

夏田

庄頭

胡家

潘王

朱家

盛家

早胡莊

領小村二十七

錢家

裡塘

戴家

洪橋頭

告嶺

大廟前

洪村

黃村

塘塢

下陳

莊頭

胥嶺

胥嶺

邵家

塘塢

田包

裡河莊

領小村二十一

槐頭

仇村

外源

降上

程頭

祖家

連唐

鮑村

雙溪

包家

外莊

孫蔡

上徐

畫塢

塔石

天律

牌樓莊

領小村十一

傅村

龍田

山根

白洋

後馮

蒲塘

仇村

丁坂

塘孔

新庄

廟前莊

領小村七

外郭

莊周

林山

王家山

余村莊

領小村九

欽堂

謝田

後漿

大溪邊

上務

上白路

蒲田

張村

宦塘

石碣

施家莊

領小村十四

安仁

後山

諸繼

度息

前凌

站邊

下梓

上梓

柘源

岩下

潘市

荻州

下舍

定田

經略

共

乾潭莊

領小村
十三

陵上
胥口

杏源
南


梅塘
梓淇

梓芳
長溪

韓家
坐柏

張村
冷水

大塘



建德縣志卷之四終

文化甲子

